

跋

吾姓族譜於前清光緒壬辰經族長作馨公等商諸
先君諱錫吉命其先叔閣笙纂修採訪繕寫歷十
年之久凡費經營用盡一腔心血至丙午冬始成
卷軸方擬付梓復因建築祠宇經費支出以致宕
罷也歲壬子先叔棄世逮癸丑先君又捐塵噫
竟使有志終虛耳之渤雖學識淺陋敢不勉副其
意以終其局爰磋商各房父老籌款刷印而族叔
祖國彬用理堂伯文理堂叔小儲步高房兄上
達堂兄少初等同聲相應踴躍

急公挨户照丁措款旋命 率弟赐卿济卿将以后之
红黑丁一一遵照凡例详加补录至於 先叔所手订
者 不敢妄更只字守遗传也原卜阴历六月初一日
伊始阅一月即告成不特昭穆序亲疏别也即 先君
先叔之苦心孤诣今日克藏其事者皆诸父老热心从
事乃至於此也而 何力之有焉是为跋

中国民国四年乙卯岁寅历七月上旬谷旦

十九派裔孙之渤谨跋

跋

族之有譜猶國之有史國史所以載歷數紀治亂明一代之紀綱法度族譜所以序昭穆別世系俾一本九族
條分縷晰綱舉目張此族譜之修為敬宗收族之至要
也胡姓為吾湘望族淵源湖學代不乏人而閣笙 錫
祥尤留心祖澤故於高曾矩矱每不憚遠紹旁搜以期
相承一脉前清光緒壬辰族董以纂修族譜之任屬閣
笙人皆以事關重大退謝未遑而閣笙以採訪兼善寫
頭緒紛繁皆一手編摩不辭勞瘁殫十余年之精力至

丙午始成卷轴以视古仁人孝子之用心不过如是焉耳是时族众方拟刷印成谱以垂久远特因祠宇重新经费支出以致平生所费一囊心血亦第束之高阁而已未几阁笙积劳成疾捐馆后族人士抚卷摩挲不胜琴在人亡之感如是者亦有年今族众恐谱牒之日久就湮也爰取代篇付诸剞劂伊侄逊卿赐卿子舜卿济卿悲阁笙穷年编辑未能止睹成功乞余一言以道其苦心孤谊余维阁笙品端学粹乡望素孚当日笔则笔削则削族人士不赞一词兹虽於丙午以后生歿丁口

略有补录而凡经阁笙所手订者一遵成法不稍更张
是其人虽死犹生也余嘉其族众果能俾阁笙以相与
有成且喜伊侄若子尤能继述先志故略志其颠末於
此

中华民国四年乙卯岁六月既望